

Meta primordial di Fundacion 'Flor di Violeta'

Cuido di nos grandinan y un centro pa nos grandinan

ORANJESTAD – Dialuna 27 di mart ultimo a pasa e acta notarial di Fundacion Flor di Violeta na oficina di notario Mario Joseline Clara Tromp. E grupo 'Flor di violeta' a keda lanta riba 10 di juni 1993 y ta celebra e aña aki nan di dos lustro.

Desde existencia di e grupo ta dedica hopi atencion riba organisacion di diferente actividadnan pa nos grandinan na Savaneta, Pos Chiquito y bicindario, entre cual por menciona actividadnan deportivo, recreativo y social. Esaki ta ser teni tur diahuebs den e Centro di Bario Savaneta.



Actualmente nan ta conta cu alrededor di 55 persona di 60 pa 93 aña di edad. Institucion di e fundacion como un instancia legal ta duna e grupo awor mas posibilidad pa alcanza nan meta di cuida di nos grandinan y establecimiento di nan propio

centro pa nos grandinan.

Presente na firmamento di e acta notarial tabata Sra. Maita de Kort, President; Sr. Mariano Arendsz; secretaria Sra. Benita Arends, tesorero Sra. Lelia Maduro y Sra. Cecilia Arends, comisarionan.